



Januar 23, 2020

Kaujigatsautitaujuk tapvainak

Townley kamajiuKattaulâttuk AngajukKâsuatsak annigigatsaulippat akigattotininginni

Nunatsiavut katimatsuatingit tiguisimalittut kamajiuKattaujutsamik annigusuttuKalâtilugu AngajukKâsuatsamik annigigatsaulippat akigattotinninginni.

Sarah Townley, Labrador-imi Inuk nunaKasimajuk Hebron-imi mânnaulittulli nunaKajuk North West River-imi, ilungittotiKatsainnatuk piulimatsiagasuannimik sakKiumititsigiamillu Labrador-imiut Inuttittutunik. IlaKalluni Allatinganik Nunatsiavut katimajitsuanganit, Ms. Townley pigiasititsilâttuk atuinnautitsigiamik tallimanik apitsotitsanik apitsotiulâttunik ilonnainut annigigatsanut ilonnatik Inuttitut uKasongutillugit akigattotininginni malillugu *Nunatsiavut Annigusunnimut Maligatsak*, sakKititaugialik vogimi matuttausimalittilugu annigigatsautitaujut.

AngajukKâsuatsak annigusinnik sitamanik jâri tamât annigigatsauKattatuk sivulliani Tenistâgimi Mai-mi, annigigatsait tigujaunngit matuttauKattatut Merz 31-imi.

Nanillusiak initsanga, sitontingalu tusâjaunitsangita sulì Kaujimajaungituk.

Kaujisautinut Kaujisapviusok:

Bert Pomeroy
Director of Communications
(709) 896-8582